

UGOVOR
za javnu nabavku usluge prema direktnom sporazumu
"Servis izolacionih aparata"

I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., Sarajevo, koju zastupa direktor, Jasmin Terović, (u daljnjem tekstu: **Naručilac usluge**), ID broj: 4200665390008 i
2. **TEVE VARNOST ELEKTRONIKA**, ul. Čajengradska br. 6a., 71300 Visoko, koju zastupa direktor, Kenan Handžić, (u daljnjem tekstu: **Pružalac usluge**), ID broj: 4218101930009.

U daljnjem tekstu Ugovora, kada se **Naručilac** i **Isporučilac** navode zajednički, tj. zbirno, tada su označeni kao "**Ugovorne strane**".

II OSNOV ZA ZAKLJUČENJE UGOVORA

Osnov za zaključenje ovog Ugovora je Odluka o izboru najpovoljnijeg ponuđača za javnu nabavku usluge "Servis izolacionih aparata", Kupca, broj: 06-11-2253-3/20 od 18.12.2020. godine.

III PREDMET UGOVORA

Član 1.

Predmet ovog Ugovora je nabavka usluge "Servis izolacionih aparata", prema specifikaciji iz obrasca za cijenu ponude, koja je navedena u Zahtjevu za dostavu ponude za nabavku usluge servis izolacionih aparata, Kupca, broj: 06-11-2253-1/20 od 15.12.2020.godine, kao i Ponudi Prodavca, br. 124-RB-2020 dostavljenoj 17.12.2020. godine, koje čine sastavni dio ovog Ugovora.

Član 2.

Servis izolacionih aparata (u daljnjem tekstu: uslugu), Isporučilac je dužan isporučiti prema svojoj Ponudi, te po uputstvima i zahtjevima **Naručioca**.

IV CIJENA I NAČIN PLAĆANJA

Član 3.

Ukupna vrijednost ugovorene usluge definisane u članu 1. ovog Ugovora iznosi: 7.020,00 KM (slovima: sedamhiljadadvadeset KM).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Naručilac se obavezuje da će ukupni iznos iz stava 1. ovog člana isplatiti na račun Isporučioca broj: 338570221872964 otvoren kod Uni Credit Bank.

Član 4.

Ugovorne strane su saglasne da će Naručilac ukupnu vrijednost iz člana 3. stav 1. ovog Ugovora isplatiti prema predračunu.

Isporučilac je saglasan da Kupcu neće zaračunavati zatezne kamate za zakašnjenje pri plaćanju putem "Trezora" Ministarstva finansija Kantona Sarajevo, ako je Naručilac u ugovorenom roku predao nalog za plaćanje, a Isporučilac primio uplatu s odgodom od jednog ili više dana od ugovorenog roka iz stava 1. ovog člana.

V ROK I MJESTO ISPORUKE USLUGE

Član 5.

Rok izvršenja usluge je 15 dana od datuma kojeg dogovore ovlašteni predstavnici Naručioaca i Isporučioca, uključujući dostavljanje sertifikata za sve pregledane izolacione aparate.

Član 6.

Ugovoreni rok isporuke robe iz člana 5. ovog Ugovora, može se produžiti u slučaju:

- nastanka više sile ili drugih okolnosti koje Isporučilac nije mogao predvidjeti,
- kada ugovorne strane sporazumno produže ugovorni rok.

Član 7.

Ukoliko Isporučilac svoje obaveze, zbog dejstva više sile ili nastanka nepredviđenih okolnosti, ne može ispuniti u periodu od 30 dana, Naručilac ima pravo na raskid Ugovora.

VI UGOVORNA KAZNA

Član 8

Ukoliko Izvršilac ne izvrši svoje obaveze u predviđenom roku dužan je da za svaki dan zakašnjenja plati ugovorenu kaznu u iznosu 0,1 % od ukupne vrijednosti ugovorene cijene. Ukupna vrijednost ugovorne kazne koja se plaća ne može iznositi više od 10 % od ugovorene cijene.

Naplata ugovorne kazne od strane Naručioaca neće osloboditi Izvršioca obaveze da izvrši ugovor u potpunosti.

Ukoliko obračunata ugovorna kazna pređe 10 % od vrijednosti ugovora Naručilac zadržava pravo da jednostrano raskine ugovor i zahtijeva isplatu ugovorne kazne.

Ugovorna kazna se obračunava od prvog dana poslije isteka ugovorenog roka izvršenja.

Obračun i naplata ugovorne kazne izvršit će se umanjnjem računa Isporučioca za vrijednost obračunate ugovorne kazne.

Ako je šteta koju je Naručilac pretrpio veća od iznosa ugovorne kazne, on ima pravo zahtijevati razliku do potpune naknade štete.

VII OBAVEZE IZVRŠIOCA I NARUČIOCA

Član 9.

Izvršilac se obavezuje:

- da uslugu servisa izolacionih aparata izvrši kvalitetno i u predviđenom roku, u skladu sa specifikacijom usluga navedenoj u svojoj ponudi br. 124-RB-2020 dostavljenoj 17.12.2020. godine, a u skladu sa važećim propisima, pravilima struke, zahtjevima Naručioca i odredbama ovog Ugovora;
- da u cilju izvršenja ugovorenih usluga obezbijedi potrebne stručne kadrove i materijalno-tehnička sredstva;
- da po izvršenim pregledima, testiranjima i provjerama izolacionih aparata dostavi Naručiocu certifikat za svaki pregledani izolacioni aparat;

Član 10.

Naručilac se obavezuje:

- da obezbijedi uslove Izvršiocu za nesmetan rad u skladu sa međusobno usaglašenom dinamikom;
- da odredi osobu koja će ispred ugovornog organa dogovoriti dinamiku i raspored pregleda po vatrogasnim ispostavama;
- da pripremi izolacione aparate koje je potrebno pregledati i testirati;
- da pismeno obavijesti Prodavca o svakom eventualnom propustu Isporučioca u odnosu na pitanja utvrđena ovim Ugovorom.

VII RASKID UGOVORA I NAKNADA ŠTETE

Član 11.

Kada jedna ugovorna strana na ispuni svoju obavezu, druga strana može, ako nije drugačije određeno ovim Ugovorom, zahtijevati ispunjenje obaveza ili, pod uslovima predviđenim Ugovorom i ugovorenim materijalnim pravom, raskinuti Ugovor, ako raskid Ugovora ne nastupa po samom Zakonu, a u svakom slučaju ima pravo na naknadu štete.

U slučaju raskida Ugovora, ugovorne strane imaju pravo na naknadu štete koju trpe zbog kršenja Ugovora od druge ugovorne strane.

VIII PRIJELAZNE I ZAVRŠNE ODREDBE

Član 12.

Isporučilac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 13.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 14.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko to nije moguće, nadležan je Općinski sud u Sarajevu.

Član 15.

Ovaj Ugovor stupa na snagu danom njegovog potpisivanja od strane ovlaštenih predstavnika Naručioca i Isporučioca, a isti će se realizovati u periodu od 21.12.2020 do 31.12.2020 godine, i sve do izvršenja svih pojedinačnih obaveza predviđenih ovim Ugovorom.

Član 16.

Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) potpisana i ovjerena primjerka.

ZA PRUŽAOCA

Broj: 0840/2020
VIKOVO, 12.12.2020. godine

Ad.o.o.
AGENCIJA ZA PROMET I PROMOTIVNI
POSREDOVANJE U SARAJEVU
BOSNA I HERCEGOVINA



ZA NARUČIOCA

Broj: 06-11V2253-5/20
Sarajevo, 21.12.2020.godine